

Málefni: Samantekt eftir fund Fjallabyggðar með Vegagerðinni 21. febrúar 2017

Gunnar I. Birgisson bæjarstjóri og Ármann Viðar Sigurðsson deildarstjóri tæknideildar fóru á fund Vegagerðarinnar á Akureyri Þriðjudaginn 21. febrúar 2017. Á fundinum var fyrir hönd Vegagerðarinnar Gunnar H. Guðmundsson umdæmisstjóri og Heimir Gunnarsson. Þegar rædd voru málefni viðhalds á þjóðvegi í þéttbýli þá voru á fundinum einnig Jón Magnússon, Haukur Jónsson og Einar Gíslason.

Fjallabyggð óskaði eftir fundinum vegna yfirferðar á málefnum Vegagerðarinnar sem snúa að Fjallabyggð og eftirfylgni frá síðasta fundi sem haldin var 8. nóvember 2016.

Eftirfarandi málefni voru rædd:

- Yfirlagnir á malbiki í gegnum Ólafsfjörð.
Fjallabyggð ítrekaði að ástand á malbiki á þjóðvegi í gegnum Ólafsfjörð er mjög bágborið og er orðið mjög aðkallandi að yfirleggja. Ef ekkert verður að gert þá mun verða miklu kostnaðarmeira að lagfæra slittlagið en ella. Fram kom að vegagerðin er nú að ákveða hvernig viðhaldsfé verði ráðstafað og féllu góð orð um að lagt yrði yfir verstu kafla í gegnum Ólafsfjörð.
- Yfirlagnir á malbiki í gegnum Siglufjörð.
Eins og kom fram á síðasta fundi þá ætlar Fjallabyggð að endurnýja fráveitu og vatnsveitu í Túngötu milli Aðalgötu og Eyrargötu í vor. Búið er að gera frumkostnaðaráætlun og var hún lögð fram á fundinum. ÁVS mun senda hana til Hauks og hann áfram senda til fundarmanna. Fjallabyggð áætlar að bjóða verkið út í mars/apríl og að verklok verði um miðjan júní. Kostnaðarskipting verði samkvæmt reglum Vegagerðarinnar um þjóðveg í þéttbýli.
- Hraðamæling með ljósaskiltum við innkomur í Siglufjörð og Ólafsfjörð.
Búið er að setja 2 stk og virka þau vel. Fjallabyggð ítrekar ósk sína um að verkefnið verði klárað á þessu ári og 2 stk í viðbót verði sett upp. GHG upplýsti að Vegagerðin sótti um í öryggissjóð til þess að klára verkefnið og eru umsóknir í yfirferð og verður svarað á næstunni.
- Vegur að skíðasvæði í Skarðdal (Skarðsvegur).
Tryggt hefur verið 100 milljóna framlag til verksins í ár. Búið er að frumhanna framlengingu á veginum og verkefnið er komið á samgönguáætlun. Á síðasta fundi upplýsti GHG að nú færi lokahönnun í gang og útboð í framhaldi. Fjallabyggð óskar eftir að útboð verði eigi síðar en í maí. GHG sagði að æskilegt væri að útboð færi fram ekki seinna en í júní.
- Gatnamót í miðbæ Siglufjarðar (Meinhorn), Gránugata - Snorragata.
Vinna við deiliskipulagið er í vinnslu og voru fundarmenn upplýstir um stöðu mála, þ.e. að búið er að kynna drög fyrir íbúum og fengu þau jákvæð viðbrögð. Gert er ráð fyrir að tillaga að deiliskipulaginu verði tekin fyrir hjá skipulags- og umhverfisnefnd í næstu viku. Fulltrúar Fjallabyggðar leggja áherslu á að fá fjárveitingu úr umferðaröryggissjóði og reiknað er með að framkvæmdir hefjist á árinu 2018.

- Saurbæjarás
Á fundi 7. október 2015 óskaði Fjallabyggð eftir að settur yrði vindmælir við hliðina á vefmyndavél sem er við gangamunna Héðinsfjarðarganga. Vegagerðin ætlaði að skoða málið og er það enn í vinnslu. Fjallabyggð ítrekar ósk sína enn og aftur. HG upplýsti að hann hefði skoðað málið og fengið þær upplýsingar að á vef veðurstofu Íslands væri vindaspá sem sýnir spá 30 mínútur fram í tímann og ætti að vera nákvæm. HG mun senda upplýsingar um hvernig hana má nálgast á fundarmenn.
- Snjósöfnun á Saurbæjarás. Fjallabyggð sendi erindi vegna málsins 24. febrúar 2015. Vegagerðin hefur mælt upp svæðið og fyrir liggur tillaga að lausn á snjósöfnun en ekki hefur verið ákveðið um framkvæmd.


Gunnar I. Birgisson
Bæjarstjóri
Ármann Viðar Sigurðsson
Deildarstjóri tæknideildar